

Maródka

Blaf

Už se nimožym doczkać od rana
Na dalszi dil Majora Zemana
Je žech na maródce, boli mie w karku
Žerym penicilin, krzipiym a smarkóm

Z dlógi chwile z dceróm gróm domino
Co dzisio na obiod je mamino?
Koprówka, kapusta, knedliki, karczek
To bedóm analni otwory warczec

Tak se użiwómy obo dwo do strzody
Potym na kóntrole, doktor zbiyro body
Ciepłomierz, Paralen, kloktani szaławieje
W robocie se wścieknóm - a mie se to śmieje

We szpajzu od szwigertaty śliwka
Kumpanów ji robióm sztyry piwka
Śline móm obrowskóm, hned bych jich psyknył
Czemu'ch se za żiwot na to tak zwyknył?

Móm szpatnóm zkuszeność z Dolni Łómnej
Nimioł bych, ale co - tak nalywej!!
Piło se na zdrowi, biežno to praktyka
Mój przipitek źnioł: Na antybijotyka!!

Serce ganc przigupi, puls nieszło zmierzić
Tyn kdo to też zażył, mi beje wierzić
Że mój tlak nie był ani kapke skómpy
Móg żech gynścić kolca u bynzinpómpy

Tak raczi czitóm ksióńżki, gazety
Posłóchom deski, diski, kazety
Brnkóm na gitare, wrździm na hósle
Jak wyndzie, tak latoś nazbiyróm muszle

Każdóm chwile u nas gdosi dzwóni
Nie sóm to Jehowi ani Cygóni
Nima to kóntrola, pojišťowacy
Nie sóm to Amway'acy - fakt, wubec żodni tacy

Sóm to szwigertatowie, przijechali z mlykym
Segra z dzieckami, szwagrzi, albo moja mama
Buty grajóm pisniczke - nazywo se Tata
Už aby też zadzwónił a potym beje Heja, Heja

Heja, heja, heja
Umpapa Umpapa Umpapa mama